

HEILBRON HERALD

IF IT'S NOT IN THE HERALD, IT IS ONLY A DREAM



Boere berei vir stroopseisoen

Boere regoor Suid-Afrika maak gereed vir die stroopseisoen, maar die afgelope weke se swaar reën het hul planne in die wiele gery. Oormatige reënval gedurende die afgelope week het egter uitdaginge meegebring, aangesien nat lande die gebruik van tradisionele strooptoerusting bemoeilik. Hierdie situasie herinner ons aan die vorige seisoen, waar soortgelyke toestande gelei het tot 'n afname van 36% in die sojaboonoes, veral in streke soos die Vrystaat en Noordwes. Om hierdie uitdaginge die hoof te bied, het sommige boere alternatiewe strategieë geïmplementeer, soos die aankoop van spesiale rubberbande vir hul stropers om beter mobiliteit in die nat lande te verseker. Hierdie toerusting is egter duur, en nie alle boere het die finansiële vermoë om hierdie belegging te maak nie. Gevolglik is daar 'n risiko dat sommige oeste nie betyds gestroop kan word

nie, wat potensiële verliese tot gevolg kan hê. Van die boere in die Riemland omgewing het reeds met die stroop van sonneblom begin, al was dit 'n gesukkel om die masjinerie deur die modder te kry. Die groot bekommernis is egter die sojabone, aangesien hierdie gewas besonder sensitief is vir oormatige vog. Verliese kan groot wees as die peule oopbars of begin ontkiem voordat dit gestroop word. In die vorige seisoen het die El Niño-weerpatroon 'n beduidende impak op die sojaboonproduksie gehad, met 'n afname van 55% in Noordwes en 50% in die Vrystaat. Hierdie afname het nie net die plaaslike ekonomieë geraak nie, maar ook Suid-Afrika se vermoë om sojaprodukte uit te voer. Met die huidige uitdagende weersomstandighede is daar kommer dat soortgelyke probleme hierdie seisoen kan voor kom. Volgens landboukenners en weerkundiges voorspel die komende seisoen verdere

uitdaginge met veranderende weerpatrone. Studies dui daarop dat boere in sekere dele van die land hul stroopmetodes sal moet aanpas, moontlik met meer gespesialiseerde toerusting of deur strooptydperke te optimaliseer rondom droeër periodes. Terwyl sommige boere tegnologiese oplossings oorweeg, bly ander afhanklik van meer tradisionele metodes en hoop op 'n paar sonnige dae om stroopwerk te vergemaklik. Ten spyte van hierdie uitdaginge, bly boere in die Riemland toegewyd aan hul bedrywighede. Hulle is bewus van die belangrikheid van aanpasbaarheid en proaktiewe beplanning om die impak van onvoorspelbare weerstoestande te minimaliseer. Die boeregemeenskap hoop dat die weersomstandighede sal verbeter sodat die stroopseisoen suksesvol kan voortgaan, en dat hulle sal voortgaan om 'n beduidende bydrae tot die land se landbou-ekonomie te lewer.

24/7 SERVICES

BALANCING & WHEEL ALIGNMENT
AUTO, TRUCK & TRACTOR TYRES
FIELD SERVICES
FIT & REPAIR
BATTERIES

Heilbron, Langmarkstr. 22
058 853 0550 | After Hours: 082 552 9261

Frankfort, Barrett str. 16
079 209 0750
After Hours: 079 180 4337

Villiers, Arbeider str. 1
066 422 1866
After Hours: 066 422 1866

FRANKFORT WEEKLIKSE VEILING
Donderdae - Royal Auction Centre

Vir kraalbesprekings en inskrywings, skakel:
Stiaan Smit: 067 596 2491

*Waar sake alre keer
die eerste keer
reg gemaak word!*

Johnny Claassen
082 779 3417

Eben Claassen
072 581 7627

Vir al jou chemie en kunsmis behoeftes!

Herstelwerk op Sasol Heilbron-pad hervat ná kontraktuele verskil

Na ongeveer vier weke van stilstand het herstelwerk op die Sasolburg- Heilbron-pad op 1 April weer begin. Die konstruksie maatskappy Raubex het die werk hervat nadat dit op

7 Maart tot stilstand gekom het weens kontraktuele verskille, soos vroeër deur die Heilbron Herald berig is. Die onderbreking in die herstelproses het kommer by padgebruikers gewek,

aangesien die pad 'n belangrike roete vir plaaslike en besigheidsverkeer, asook boere is. Met die werk wat nou weer aan die gang is, hoop inwoners en motoriste dat die projek spoedig



voltooi sal word om beter veiligheid en beter rytoestande te verseker.

UIT DIE PEN: Week 14

Ek het sommer nou hardop gelag. Ek vra vir Google: "What do you call a person between 20 and 30 years." Google sê dis 'n *vicenarian*.

Daar moet dus sekerlik 'n Afrikaanse "*ekwivalent*" wees van hierdie woord, dink ek. Ek gaan vra vir Google om die woord te vertaal. Google glo dat dit in Latyn is (wat dit waarskynlik is) en vertaal dit na 'n onherkenbare Afrikaans: *vicenarie*. Wat ek nog nooit gehoor het nie.

Ek vra weer vir Google, hierdie keer in Afrikaans. "Wat noem mens 'n persoon tussen 20 en 30 jaar oud?"

Model, sê Google. 'n Afrikaanse model. Nê? Verder sien ek advertensies vir poste vir persone tussen 20 en 30. Daar is ook 'n artikel oor "Die Stres-spektrum" wat op netwerk24 was. Met allerhande stressors en hoe dit jou liggaam beïnvloed.

Daar is ook 'n verklaring van die woord "mens", soos wat dit in my sin voorgekom het.

Maar steeds kry ek geen aanvaarbare Afrikaanse term vir iemand tussen 20 en 30 nie. Dalk is twintiger die aanvaarbare term, glo ek.

Ons het die afgelope week 'n twintiger in die huis gehad. Laat ek verduidelik.

Ek het 'n wonderlike skoolvriend. Ons het vanaf 14 jaar oud saam skool toe geloop, tot in matriek. Behalwe een dag, toe ons kwaad was vir mekaar.

Ek was deel van hulle troue, en later het ek hulle twee dogters as pap babas ontmoet.

Die twee pap babas is nou al groot. Hulle is nou *vicenaries*. Twintigers. Een hou skool en die ander een maak die einde van die jaar hulle mediese studies klaar.

Wanneer ek by hulle oorgebly het as ons in Bloemfontein matriekvraestelle gaan merk het, sou ek vroeg in die oggend wakker gemaak word deur twee klein lyfies. Skuif op, was die enigste woorde.

Dan lê ene agter teen my rug en die ander een voor teen my maag. Knus. Op 'n enkelbed.

So twee weke gelede bel die oudste een my.

"Tannie, ken jy The Goo Goo Dolls?"

"Ja, nie al hulle liedjies nie. Maar ek hou van Iris." (Ek dink jy sal ook, gaan Google dit gou.)

"Kan ek vir ons kaartjies kry? Hulle hou 'n konsert by die Voortrekkermonument."

"Ja, kry gerus." En ek verduidelik solank vir my goeie man presies wie The Goo Goo Dolls is. Ek hik toe ek die kaartjies betaal, maar dis vir 'n goeie doel, maak ek myself wys.

Ons kry Twintigjarige by die optelpunt (sy het met 'n geleentheid tot aan die Oos Rand gekom), weliswaar 'n uur na ons afgesproke tyd. Ek gebruik die leë tyd om solank na ander minder bekende Goo Goo liedjies te luister.

Ons ry huis toe. Sy gesels een stryk deur. Vertel ook dat sy haar merkwark (sy gee tale) saamgebring het.

Saterdagoggend, met my vyfde bondel wasgoed, kom sy vaak-vaak uit die kamer. Sy gesels bietjie, maar maak

verskoning om Tinder te gaan uitsorteer. Sy wys eers vir my hoe dit werk. Ek dink amper ek is die enigste *mamparra* wat nie weet hoe dit werk nie. Want ek het dit nie nodig nie.

"Kyk nou na hierdie ou, tannie. Sien tannie dat hy verkeerd spel op sy profiel? Dan *swipe* ek links, want ek hou nie van mense wat nie kan spel nie."

"Hier is nog ene. Kyk, hierdie outjie vra wat my intensies met hom is? Ag nee wat, *Swipe* links."

"Hier is iemand wat omtrent 10 kilometer vanaf ons is. Hier kan tannie nou sien hoe lank hy is en hoeveel hy weeg. Maar nee, hier is 'n hond saam met hom op sy foto. Mens vertrou nie 'n man wat 'n hondjie by hom het op sy profielfoto nie. Hy steek iets weg. *Swipe* links."

"Tannie, hier is so baie profiele. Ek gaan dit in my kamer doen." En met dit, *swiep* sy links na haar kamer toe.

Ek sien haar so drie ure daarna en dink by myself *hòè* die wêreld verander het. Ons het destyds iemand by die kerk of die werk of 'n sokkie ontmoet. Of is aan mekaar voorgestel. Dalk het ons mekaar by die swembad of see raakgeloop. Dalk voor die fliëks. Maar nie meer nie.

Ons vertrek later na die konsert. Daar is sekerlik by die tweeduisend mense. Dalk meer. Ons moes stoele saambring. My goeie man lyk soos 'n pakdonkie: drie stoele en 'n piekniekkombers. Iemand kom aangedraf: 'n bankgroep skenk 'n gratis koeldrank en springmielies. Ek vat vir ons,



moenie 'n gegewe perd in die bek skop nie.

Die voorkonsert is deur 'n Roan Ash. Ek het hom omtrent 11 jaar gelede ook sien sing: by 'n verjaarsdagpartytjie. Hy en Jo Black was nog onbekend en het die aand 'n paar *cover* liedjies gesing. En na harde werk is Jo 'n superster en Roan Ash bly in Nashville.

Met The Goo Goo Dolls se optrede staan almal regop. Ons sit wel omtrent ses kilometer (wel, nie regtig nie) ver van die verhoog af, maar kan alles op die groot skerm volg. Ek sit tussen-in want die (*ou*)derdom begin teen ons tel. Hulle sluit af met "Iris", my gunsteling.

Almal drentel terug na hulle karre toe. Ons is 90 minute daarna eers uit die parkering. Ons moet ons kans afwag.

Min mense kan sê dat hulle beste skoolvriend se kinders by hulle kom kuier. Dit was sekerlik meer oor die halsbandjie as oor die hondjie, maar dit was heerlik om 'n twintiger in die huis te kon hê.

Ek is nou op die hoogte met The Goo Goo Dolls se treffers en hoe om Tinder te bewerk. Nie dat ek laasgenoemde nodig het nie.

Nodeloos om te sê: die merkwark is nie eers uitgepak nie.

Slaan dalk 'n paar Rand los by Riemland Museum!



Het jy al ooit gewonder hoeveel daardie ou erfstuk werd is? Of dalk het jy 'n antieke item waarvan jy meer wil weet? Moenie hierdie ongelooflike geleentheid misloop nie!

Ons nooi jou hartlik uit na die Riemland Museum, Rykdom en Reliek geleentheid, waar ons span van kundige waardeerders gereed staan om jou te help. Van ervare munt kenners tot spesialiste in meubels, juwele en oudhede – hulle deel hul kennis en help jou om die geskiedenis en waarde van jou gunsteling items te ontdek.

geword. Ek het 'n groot liefde vir numismatiek en het ook 'n paar jaar se ervaring in graderingswerk. Ek het ook 'n liefde vir militaria. My maatskappy se naam is Vintage Vault. Ek kan help met waardasies en is ook bereid om aankope te doen"



Rykdom & Reliek
Saterdag 12 April 2025

Kom besigtig, koop, verkoop of kry inligting oor jou waardevolle skatte vanaf ons KENNERS!

DIE MORITE WERD!
BESPREEK NOU OP 081 298 1457

RIEMLAND MUSEUM

OU MUNT & NOTE KUNS OU BOTTELS MILITERIA AFRIKANA

Datum: 12 April 2025
Plek: Riemland Museum,
Langmarkstraat 74,
Heilbron
Tyd: 08:00 tot 13:00

Betsie Roux

"A passionate antique collector and dealer bringing forth more than 20 years of hands-on experience in collecting and dealing in an assortment of antiques and collectibles.

Adept in establishing professional and positive relationships with clients while providing with industrial knowledge and optimal service.

A strong knowledge in porcelain, dolls, jewellery, furniture and other collectibles".

Of jy 'n versamelaar, of net nuuskierig is, daar is iets vir almal om te geniet!

Kom loer in, ontmoet ander liefhebbers van oudhede en geniet 'n dag vol stories en verrassings.

Daar sal ook kos, koeldranke, koffie en tee te koop wees vir die wat honger en dors is.

'n Bietjie meer oor ons kenners.



Henk Van Zyl

"Ek is al 30 jaar lank 'n versamelaar en het 8 jaar gelede 'n handelaar

BEDANKING

Die bestuur van die **Vrystaat Versorging in Aksie** wil **FMG Afslaaers** bedank vir die puik hantering van die veiling van die begin tot die einde. Ons waardeer dit!



Asook die publiek vir die ondersteuning! Baie dankie aan Heilbron Herald vir die plasing van die advertensies.

HOËRSKOOLO HEILBRON
wil elkeen wat betrokke was van harte bedank!

OH Foods

Star Sighs Lari Meir BKB	Falken Molek Peach Creative Foods	Green National Marinella Brystonbach WC Zicko
RSA Grain Storage Solutions CH Tombstone and Granite	Jacques van Rooyen Blane Mouton	Anneli Combrink Sanyu Claassen
DJP Boerdary Jack Leonard Sr. Merv-Bede Gasthuise	Albie Schoeman Jr. Louca Leather Works	Yolande Rossouw Michael Broadway
Albie Schoeman Sr. Ivan Marx	Heilbron Herald TWT Precision	Lieta Els Fanie Snyman
Tweelsa Safaris Koen Engelbrecht	Jakob's Décor Buffel Bar	Wendy Swenepoel Glenn's Spysmering
	Johan Gosses Stefan Heymans	Zo-Armé Naudé

BAIE DANKIE SAAM IS ONS STERKER!

BAIE DANKIE VIR 'N SUKSESVOLLE MANNE-KANDI
ELKEEN BETROKKE SE BYDRAE WORD OPREG WAARDEER.

Alleenmandaat HUIS TE KOOP

Hier is die ideale, tipiese huis, soosmal geleë.

Huis bestaan uit:

- 3 Slaapkamers met ingeboude kaste
- 1-Bedkamer
- Silo
- Woonkamer
- Eetkamer
- Kombuis met baie kaste
- Enkel motorhuis met 'n dubbel-afsluit
- Water reël
- Volle berf

R 665 000

ANNELIZE 082 331 9856 | MARKIZE 072 180 4113
zakwe@carven.co.za

NUUT IN DIE MARK

ULECTRIC
SOLAR AND ELECTRICAL

WE DO COMMERCIAL AND RESIDENTIAL

Jannie 072 279 9299 | Ulectric 084 499 9937

- COC'S/ELECTICAL CERTIFICATE OF COMPLIANCE
- WIRING & RE-WIRING
- OFF-GRID SOLAR INSTALLATIONS
- INDOOR/OUTDOOR LIGHTING
- ELECTRICAL REPAIRS
- FAULT FINDING
- EQUIPMENT REPAIR
- SOLAR BOREHOLE PUMPS
- BACKUP SYSTEMS

Ngwathe: New Budget “Forced Through”

Ngwathe’s draft budget for the new financial year was “forced through” by the ANC majority last Friday, after a sometimes tense debate. This is the complaint of the DA. It happened despite the DA’s strong objections as official opposition against what it called “Chinese bookkeeping” and “silly assumptions” contained in the proposals. The DA ended up insisting that its opposition be formally recorded, a strong form of council rejection.

DA councillor Arnold

Schoonwinkel, the DA caucus spokesman on Ngwathe’s finance, complained that councillors were being duped into poor decisions. He said the collection rate of billed invoices now was around 50%. “Yet we are being asked to believe that Ngwathe can push this up to 85% within three months.” He said this was a silly assumption, something Ngwathe has not been able to do in ten years.

Even so operating revenue is projected to amount to R1.19 billion. “This is not enough to cover projected operating

expenditure.” Schoonwinkel pointed out. A projected operating deficit of R53.78 million would remain. “And legislation does not allow deficits,” he said. Friday’s meeting nevertheless approved the draft budget for public discussion this month. Service charges are proposed mostly to increase by 4.4%, except electricity. Electricity might increase by 12.74 % as a result of rises already announced by Eskom (although still subject to approval by NERSA, the energy regulator). Water charges are also to rise more,

by 9.85%, and property rates will change in accordance with the new property valuations. The full new budget proposals are open for inspection at all municipal offices, and on Ngwathe’s official municipal website. They will be aired in public meetings throughout Ngwathe in the weeks ahead.

DA councillors Robert Ferendale and Joseph Mbele, both from Heilbron, urged residents to attend the meetings, to ask questions and suggest improvements. Venues and dates will appear in the Heilbron Herald.

Heilbron SAPD en GPF werk saam om misdaad te bekamp

Die Suid-Afrikaanse Polisiediens (SAPD) van Heilbron, in samewerking met die Gemeenskapspolisiëringsforum (GPF), het op Donderdag, 24 Maart, ‘n imbizo gehou om die stryd teen misdaad te verskerp. Die vergadering, wat in Sektor 5, Moherepa, Phiritona plaasgevind het, het sowat 70 gemeenskapslede byeengebring om misdaadkwessies in die gebied te bespreek.

Tydens die imbizo het Sersant Sibongile Molapisi, Koördineerder van Sosiale Misdaadvoorkoming, en Intern Nthabiseng Thapedi die gemeenskap toegesprek oor misdade wat ‘n groot impak op inwoners het. Die vernaamste misdrywe wat bespreek is, sluit huishoudelike geweld, inbrake by huise, veediefstal en onwettige jag in. Sersant Molapisi het beklemtoon hoe belangrik dit is om gesonde

gesins- en verhoudingsdinamika te handhaaf, aangesien baie gevalle van huishoudelike geweld, insluitend aanranding, verkragting en beskadiging van eiendom, dikwels uit konflik voortspruit. Sy het ook daarop gewys dat alkoholmisbruik ‘n groot bydraende faktor tot hierdie tipe misdade is.

Nog ‘n brandpunt van die bespreking was veediefstal, wat ‘n ernstige bedreiging vir plaaslike boere en die breër landelike ekonomie inhou. Polisiewoordvoerder Kaptein Malebo Khosana het die impak hiervan uitgelig en verduidelik dat veeboerdery ‘n noodsaaklike rol speel in voedselvoorsiening en werkskepping in die gemeenskap. “Veediefstal affekteer nie net individuele boere nie, maar ook die groter ekonomiese stabiliteit van Heilbron en omliggende gebiede,” het hy gesê.

Onwettige jag, veral met honde, is



Foto vanaf Kasi voice news

ook as ‘n ernstige probleem geïdentifiseer. Molapisi het gewaarsku dat hierdie aktiwiteite tot ‘n afname in wildbevolkings kan lei en dat baie jagters privaat eiendom betree sonder toestemming, wat tot verdere veiligheidskwessies lei.

Wat inbrake by huise betref, is inwoners aangemoedig om paraat te wees en na mekaar se eiendom om te sien. Molapisi het die belangrikheid daarvan beklemtoon om verdagte aktiwiteite onmiddellik aan die polisie te rapporteer, sodat misdade voorkom kan word voordat dit plaasvind.

GPF-voorsitter, Mnr. Tshepo Mazibuko, het van die geleentheid gebruik gemaak om gemeenskapslede aan te moedig om by die GPF se sektorkomitees aan te sluit. Hy het beklemtoon dat gemeenskapsbetrokkenheid noodsaaklik is vir misdaadvoorkoming. “Elke inwoner het ‘n verantwoordelikheid om ‘n bydrae te lewer tot ‘n veiliger omgewing. Deur saam te werk, kan ons ‘n werklike verskil maak,” het hy gesê.

Terwyl die imbizo ‘n waardevolle geleentheid gebied het vir samewerking tussen die SAPD en inwoners, het dit ook gewys op die kommer oor die toename in kontakmisdade en geslagsgebaseerde geweld. Die gesprekke het die belangrikheid van ‘n gesamentlike poging beklemtoon om Heilbron veiliger en meer beveilig te maak.

Brandbeskermingsvereniging

Die vier plaaslike Brandverenigings het saamgesmelt om die nuut gestigde

Heilbron Brandvereniging te vorm.

Die eerste vergadering sal op **10 April 2025 om 14:00 nm** in die **Boeresaal** plaasvind.

Johan Terblanche, voorsitter van Goudveld Brandvereniging sal ook die vergadering bywoon.

Verdere inligting volg later of kontak

Gerit Viljoen 082 769 0344



Engo hou Opedag in Heilbron



Op die foto bo vl: Hanneri Fouche, Elmarie Els (Bestuurder Engo) en Ds Petrus Fouche en tydens besoek aan Engo Ringerstraat Jeugsorgsentrum in Heilbron.

Engo het Maandag, 31 Maart 'n Opedag in Heilbron gehou waar die opgegradeerde fasiliteite by die Engo Gesinsorgkantoor in Luytstraat 44, en Ringerstraat Jeugsorgsentrum bekendgestel is. Sakelui, borge, kerkleiers en

gemeenskapslede het die bekendstelling bygewoon, waar meer inligting oor die werksaamhede van Engo deurgegee is. Engo het ook die geleentheid gebruik om die gemeenskap te bedank vir hulle ondersteuning die afgelope 6 maande, deur donasies en betrokkenheid. Gaste is uitgenooi om die Gesinsorgkantoor en Ringerstraat Jeugsorgsentrum te besoek en te sien waar fondse aangewend is om 'n beter omgewing vir kinders te skep en ondersteuning aan die gemeenskap te gee.

Indien daar besighede of persone in Heilbron is, wat hierdie geleentheid misgeloop het, kan hulle gerus kontak maak met die plaaslike kantore. Kontak gerus vir Elmarie Els by Ringerstraat Jeugsorgsentrum, tel 0079 599 4135 of Engo Gesinsorg by 110 0167 of Charné Nel by 083 948 6453 in Heilbron vir meer inligting. Besoek gerus www.engo.co.za vir meer inligting oor Engo se werksaamhede in die Vrystaat.



Engo funksie by Heilbron Gholfbaan aangebied.



ESKOM verplig sonkrag-eienaars om stelsels te registreer

Eskom het aangekondig dat alle kleinskaalse ingebiede opwekkers (SSEG), insluitend sonkragstelsels wat aan die netwerk gekoppel is, geregistreer moet word om veiligheid en netwerkstabiliteit te verseker. Hierdie registrasie is verpligtend, selfs al word geen elektrisiteit terug na die netwerk gevoer nie. Volgens Eskom het reeds ongeveer 1 300 kliënte hul stelsels geregistreer, maar daar is steeds baie ongeregisteerde installasies. Huiseienaars het tot Maart 2026 om hul sonkragstelsels te registreer. Gedurende hierdie tydperk kan installasies tot 50 kW

moontlik vrygestel word van sekere registrasiefooeie. Na hierdie sperdatum kan nie-nakoming lei tot boetes van ongeveer R6 052 en moontlike afsluiting van die netwerk. Die registrasieproses kan egter 'n duur onderneming wees, aangesien sommige huiseienaars berig het dat hulle tussen R27 000 en R50 000 gekwoteer is om hul stelsels aan Eskom se vereistes te laat voldoen, afhangende van die tipe stelsel en nodige opgraderings. Eskom beklemtoon dat hierdie maatreëls noodsaaklik is om die veiligheid en betroubaarheid van die netwerk te verseker, en om te verhoed dat ongeregisteerde stelsels die netwerk se stabiliteit beïnvloed.

BTW-Verhoging word hersien terwyl onderhandelinge voortduur

Die aanvanklike voorstel om Suid-Afrika se belasting op toegevoegde waarde (BTW) met 2% te verhoog, het sterk teenkanting ontvang binne die regerende koalisie, wat gelei het tot 'n hersiene plan. Die nuwe voorstel beoog 'n meer geleidelike verhoging, waarvolgens BTW met 0.5% op 1 Mei 2025 verhoog sal word, met 'n verdere 0.5% verhoging in 2026. Hierdie aangepaste begroting is egter nog nie deur die Parlement goedgekeur nie. Die Demokratiese Alliansie (DA) het beswaar aangeteken teen die begroting in sy huidige

vorm, terwyl president Cyril Ramaphosa optimisties bly dat 'n oplossing gevind sal word. Onderhandelinge duur steeds voort, en daar is selfs sprake van 'n moontlike eenjaar-verhoging van BTW, afhangende van of daar voldoende besparings gevind kan word. Dit beteken dat daar steeds geen finale besluit oor die BTW-verhoging is nie, en verdere besprekings is aan die gang.

Verwikkelinge het egter vinnig op mekaar gevolg, en die finale prentjie was nog onduidelik met die ter perse gaan van die Heilbron Herald.

Raak deel van ons lekker-lees gemeenskaps-koerant en stuur vir ons jou foto's van mylpale wat bereik is, asook ander aktiwiteite.

Ons plaas dit graag.

Vir enige nuus wat jy graag met die lesers wil deel, skakel Hendie 071 175 9807.

WINKELURE

MAANDAE TOT DONDERDAE: 07:30 - 17:00

VRYDAE: 07:30 - 16:30

SATERDAE: 08:30 - 13:00

Elsstraat 44, Heilbron | Tel: 058 852 3033
E-Pos: heraldwinkel@heilbron.co.za



Vegkop Boerevereniging se opwindende en leersame toer

Die Vegkop Boerevereniging het onlangs 'n opwindende en leersame toer onderneem wat waardevolle insigte in verskeie aspekte van die landbousektor gebied het. Twintig boere, mans en vroue ingesluit, het Woensdag die langpad vanaf Heilbron na Nigel aangepak vir 'n toer vol kennis en nuwe ervarings.

Die eerste stop op hul reis was by Pride Milling, 'n onderneming wat wit mielies verwerk tot meel. Hier het die boere onder leiding van die bestuurder van Pride Milling eerstehands gesien hoe 'n suksesvolle meule bestuur word. Hulle het insig gekry in die ingewikkelde prosesse en tegnologie wat noodsaaklik is om meelproduksie van hoë gehalte te verseker.

Na hierdie leersame sessie het die groep na Amersfoort vertrek, waar hulle by Country Trax oornag het. Die boere het na 'n besige dag ontspan, heerlik gekuier en gebraaai.

Die volgende oggend het die groep 'n besoek aan We Grow Farms, slegs 15 minute vanaf Country Trax, afgelê. Hier het hulle geleer oor die mielie- en varkboerdery en hoe boere effektief kan saamwerk om 'n lewensvatbare en volhoubare boerdery te bedryf. Hierdie interaktiewe sessie het waardevolle inligting gebied oor moderne boerderytegnieke en samewerking binne die landbousektor.

Die groep het ook na Delmas gereis vir 'n

besoek aan MBFI. Hier het hulle meer te wete gekom oor groen chemie, biologiese middels en entstowwe, wat 'n deurslaggewende rol speel in die volhoubare bestuur van landbou-aktiwiteite.

Eben Claassen, voorsitter van die Vegkop Boerevereniging, het genoem dat hulle reeds jare gelede 'n soortgelyke toer onderneem het en besluit het om dit weer te doen. "Met die voortdurende ontwikkelings in die landbousektor, is dit belangrik om op

hoogte te bly van nuwe tegnologieë en metodes. Hierdie toer het ons verseker van onskatbare kennis en insig voorsien."

Die toer was 'n groot sukses en het boere die geleentheid gebied om nie net hul kennis uit te brei nie, maar ook om waardevolle netwerke te bou en nuwe idees vir hul eie bedrywighede te kry. Hierdie tipe leerervarings speel 'n belangrike rol in die vooruitgang van die landbousektor en die volhoubare groei van boerdery-ondernemings.

Op die foto vlnr: Hendrik Cronje, Johan Stadler, Ruan Mienie, Estian Malherbe, Jacques de Wet, LJ Botha, Evert Kleynhans, Eben Claassen, Hanro Volschenk, Johnny Claassen, Koki Claassen, Deon de Wet.



'n Maand van Bewustheid oor Outisme

2 April is Wêreld-Outisme-bewustheidsdag, 'n dag wat daarop gemik is om bewustheid en begrip vir mense met outisme te bevorder. Hierdie spesiale dag is in 2007 deur die Verenigde Nasies ingestel en vorm deel van 'n groter beweging om die uitdagings en unieke talente van mense op die outisme-spektrum te erken.

Wat is Outisme?

Outisme, of outisme-spektrumversteuring (OSV), is 'n neurologiese ontwikkelingsafwyking wat die manier waarop 'n persoon kommunikeer, sosiale interaksies ervaar en sensoriese inligting verwerk, beïnvloed. Dit is 'n spektrumtoestand, wat beteken dat dit elke individu op 'n unieke manier raak. Sommige mense met outisme is hoogs funksioneel en kan onafhanklik leef, terwyl ander intensiewe ondersteuning benodig. Algemene kenmerke van outisme sluit in:

- Uitdagings met verbale en nie-verbale kommunikasie.

- Herhalende gedrag en beperkte belangstellings.
- Sensoriese sensitiwiteit vir lig, klank of aanraking.
- 'n Voorkeur vir roetine en struktuur.

Die Belangrikheid van Bewustheid en Aanvaarding April is internasionaal erken as Outisme-bewustheidsmaand. Gedurende hierdie maand word verskeie veldtogte, gemeenskapsaktiwiteite en opvoedkundige programme aangebied om verkeerde opvattinge oor outisme reg te stel en inklusiwiteit te bevorder. 'n Algemene tema tydens Wêreld-Outisme-dag is "Ligte dit op in Blou" (Light It Up Blue), waar geboue en monumente wêreldwyd blou verlig word om ondersteuning te toon vir die outisme-gemeenskap. Baie mense dra ook blou klere of 'n outisme-lint om solidariteit te wys. Terwyl bewustheid belangrik is, lê die werklike doel in aanvaarding en insluiting. Outisme is nie 'n siekte wat genees moet word

nie, maar 'n deel van 'n persoon se identiteit. Deur die regte ondersteuning te bied, kan mense met outisme hul sterkpunte ten volle benut en 'n waardevolle rol in die samelewing speel.

Hoe Word Outisme Gediagnoseer en Behandel?

Outisme word gewoonlik in die vroeë kinderjare gediagnoseer deur middel van gedragswaarneming en ontwikkelingstoetse. Daar is geen mediese toets vir outisme nie, maar professionele persone soos kinderpsigiaters, sielkundiges en spraakterapeute kan 'n diagnose maak op grond van spesifieke kriteria. Hoewel daar geen "genesing" vir outisme is nie, is daar verskeie intervensies en ondersteuningsdienste beskikbaar, insluitend:

- Gedragsterapie (soos Toegepaste Gedraganalisesetapie – ABA).
- Spraakterapie en arbeidsterapie.
- Onderwys- en

leerondersteuning.

- Medikasie om sekere simptome soos angs of hiperaktiwiteit te bestuur.

Wat Kan Jy Doen?

Daar is verskeie maniere waarop individue en gemeenskappe kan bydra tot outisme-bewustheid en -aanvaarding:

- Ondersteun organisasies wat vir mense met outisme werk.
 - Leer meer oor outisme en deel akkurate inligting met ander.
 - Help om 'n inklusiewe omgewing in skole en werksplekke te skep.
 - Neem deel aan plaaslike Wêreld-Outisme-dag-geleenthede of begin jou eie bewusmakingsinisiatief.
- Hierdie April, kom ons neem 'n oomblik om meer te leer oor outisme en om 'n verskil te maak in die lewens van mense wat daagliks met hierdie toestand leef. Deur begrip en respek te toon, kan ons 'n wêreld bou waarin almal welkom voel.

BESIGHEIDSURE

Maandae - Vrydae: 08:00 - 16:30

Saterdag: 09:00 - 12:00

Elsstraat 42, Heilbron | Tel: 058 853 0006

POSTNET
HEILBRON



FOTOSTATE

Swart / Black

A4 1 - 50 Bladsye @ R1-50
51+ @ 80c

A3 1 - 50 Bladsye @ R3-00
51+ @ R1-50

Volkleur / Colour

A4 1 - 10 Bladsye @ R5-00
10+ @ R4-00

A3 1 - 10 Bladsye @ R10-00
10+ @ R8-00

Elsstraat 44
Heilbron
Tel: 058 852 3033

E-Pos:
heraldwinkel@heilbron.co.za



HEILBRON ROLBAL-KLUBHUIS

Geskik vir ongeveer 70 mense.
Ingesluit volledige eetgerei,
stoof en 2 oonde, gelisensieerde
kroeg beskikbaar.

Sonja Muller 081 849 1877

GEKLASSIFISEERD

Die Heilbron Herald word uitgegee en gedruk
deur die eienaars Heilbron Herald (Edms) Bpk,
Elsstraat 44, Posbus 166, Heilbron

Tel: 058 852 3033/4/5

Faks: 058 853 0140

www.heilbronherald.co.za

E-POS ADRESSE

• Abrie Watson abrie@heilbron.co.za

• John Watson john@heilbron.co.za

• Winkel heraldwinkel@heilbron.co.za

• Kobus kobuss@heilbron.co.za

(Wyeformaat produksiebestuurder)

WhatsApp Nr. 081 889 8192

• Silma marketing@heilbron.co.za

herald@heilbron.co.za

(Korporatiewe kler, oorpakke, kommersiële drukwerk ens.)

WhatsApp Nr. 083 495 5512

• Carien heraldgraphics1@heilbron.co.za -

(Komersiële drukwerk & koerantbydraes)

• Delareyz finance@heilbron.co.za - (Rekenings, state ens.)

• Christelle heraldooffice@heilbron.co.za - (Bestellings ens.)

• Cara heraldgraphics2@heilbron.co.za -

(Wyeformaat drukwerk, plakkers ens.)

• Elsabé heraldgraphics2@heilbron.co.za -

(Wyeformaat drukwerk, plakkers ens.)

WhatsApp Nr. 078 857 2106

• Hendie heraldnuus@heilbron.co.za -

(Koerantbydraes, advertensies)

Koerant sirkuleer in Heilbron, Petrus Steyn, Frankfort,
Reitz en asook digitaal versprei op Heilbron
se Facebook-blad en webwerf.

Menings en opinies wat uitgespreek word in
briewe en rubrieke, is dié van die individue
en weerspieël nie noodwendig die siening
van die redaksie nie.

SMALLS

BIBLIOTEEK OOP

Piercestraat 66 • Heilbron

Heilbron Biblioteek is VYF DAE
per week oop vir die publiek en
die tye is as volg:

Maandae tot Vrydae - 09:00 - 13:00

(Volwassenes) en 14:00 - 17:00 (Kinders)

Biblioteek is gesluit op Saterdag,

Sondag & openbare vakansiedae.

DIENSTE

BAAL / SNY & BAAL

Vir die maak van voer, vanaf
sny tot baal of slegs baal.

1.2m bale (tou/net).

Velde of wenakkers.

Petrus Steyn, Frankfort,

Heilbron en Lindley.

KONTAK JACO MEIRING

082 851 6158 OF

PIET MEIRING

082 571 4191

peerlandhandel@gmail.com

BAAL / SNY & BAAL ...

Vir sny-, hark- en baalwerk.

Kontak Evert Kleynhans

072 018 3685 Heilbron

Vir enige nuus en advertensies
vir die Heilbron Herald

Kontak gerus vir Hendie Lötter

by 071 175 9807 of

heraldnuus@heilbron.co.za

JAARBEPLANNER

2025

APRIL

• 16 Apr. - Huis- & Tuinbouklub

MEI

• 13 tot 16 Mei - Nampo
Bothaville

• 21 Mei - Huis- & Tuinbouklub

AUGUSTUS

• 20 Aug. - Huis- & Tuinbouklub

SEPTEMBER

• 17 Sept. - Huis- & Tuinbouklub

OKTOBER

• 15 Okt. - Huis- & Tuinbouklub

NOVEMBER

• 19 Nov. - Huis- & Tuinbouklub

Laser Cutter & Engraver
NOW AVAILABLE AT HEILBRON HERALD

Fran

Heilbron Herald now has high-speed precision cutting.
From prototyping to full-scale manufacturing,
this laser can cut and engrave quickly and accurately.

Being able to cut and engrave many materials, such as:

- MDF (Pressed Wood),
- Plywood,
- Plastic,
- Plexiglass,
- Mifom,
- Cardboard,
- Leather, etc

44 Els Street, Heilbron
Contact: 058 852 3033 | 081 889 8192

YOU THINK IT - WE PRINT IT
YOUR ONE STOP BRANDING SPECIALIST

PROMO-GIVE AWAYS LASER ENGRAVING
PAPER BASED PRINTING EMBROIDERY GOLF KITS
VEHICLE BRANDING SUBIMATION

AND SO MUCH MORE...

marketing@heilbron.co.za | 083 495 5512 **Heilbron Herald**

SAME DAY DELIVERY AND COLLECTION BETWEEN
HEILBRON AND THE VAAL TRIANGLE FOR R85

heilbron@postnet.co.za 058 853 0006 084 968 6078



HEILBRON • EDENVILLE • FRANKFORT

Kontak hom gerus vir
enige Lewendehawe
bemarking, Uit-die-
hand-transaksies of
veiling navrae!

Heilbron Rolbalkklub spelers presteer tydens Valsrivier- enkelspel spanne

Ses lede van die Heilbron Rolbalkklub het onlangs aan die Valsrivier-toernooi in Kroonstad deelgeneem en puik prestasies behaal. Hannelie Claassen het haar oorwinning in die Valsrivier-enkelspel vir dames verseker, terwyl Johnny Fourie die mans-enkelspel gewen het.

Die dames het ook skoonskip gemaak deur die eerste drie plekke in die enkelspel te verower. Tracy Jacobs het 'n silwermedalje verwerf, en Sonja Muller het met brons weggestap. Hierdie uitsonderlike prestasies is 'n bewys van die talent en toewyding van die Heilbron Rolbalklub se spelers.



Op die foto vl: Sonja Muller, Hannelie Claassen en Tracy Jacobs.



Op die foto Johnny Fourie en Derek de Gouveia (President van Valsrivier).



*Op die foto Hannelie Claassen
en Johnny Fourie.*



Nou beskikbaar



R290 each
incl VAT

Herald
Office
National

Elsstraat 44, Heilbron
Tel: 058 852 3033
E-Pos: heraldwinkel@heilbron.co.za

 **RIEMLAND
JAGTERSVERENIGING**

**OPE PRYSSKIET
& SPANSKIET**

TE LEEUWPOORT SKIETBAAN, HEILBRON

12 APRIL OM 09:00

INSKRYWINGSFOOT @ R100

KONTANT PRYSE TE WEN

BLESBOEK VIR ALGEHELE WENNER

**Vir meer navrae skakel:
Hennie Fourie (Voorsitter)
082 775 1922**



BKB

The Trusted Home of Agriculture
Die Betroubare Tuiste van Landbou

BELANGRIKSTE veilinge

MAANDAG - 7 APRIL 2025
BADPLAAS Weeklikse veiling
Kontak Themba Shongwe 076 557 9346
WARDEN Maandelikse veiling
Kontak Francois Duminy 082 528 1899

DINSDAG - 8 APRIL 2025
VREDE Maandelikse veiling
Kontak Jandre Moll 082 307 9169
SONOP BOEREVERENIGING:
SPECIALE BEESEVEILING
11.00, Riepan
Kontak Christiaan Louw 072 851 3674

WOENSDAG - 9 APRIL 2025
WITBANK Weeklikse veiling
Kontak Rocco van Rooyen 082 799 2776
KLERKSDORP 2-Weeklikse veiling
Kontak Nico Jacobs 082 892 4036

DONDERDAG - 10 APRIL 2025
FRANKFORT Weeklikse veiling
Kontak Deon Stegmann 079 878 2109
KROONSTAD Weeklikse veiling
Kontak Schalk Jonker 073 007 0022
ERMELO Weeklikse veiling
Kontak Boet-Jan vd Wath 072 626 9242

VRYDAG - 11 APRIL 2025
BETHLEHEM Weeklikse veiling
Kontak Schalk Burger 076 070 1411
STANDERTON Weeklikse veiling
Kontak Carel Davel 082 331 1811
POTCHEFSTROOM Weeklikse veiling
Kontak Saily de Villiers 073 816 4956

www.bkb.co.za
BKB Limited 1998/012435/06
Postbus 220, Frankfort, 9630
Tel: (0538) 813 1071
e-pos: frankfort@bkb.co.za